

子藏

關尹子卷

道家部

6

華東師範大學

「子藏」編纂中心編

總編纂 方勇

副總編纂 吳平

國家圖書館出版

子藏

道家部

關尹子卷

6

華東師範大學
「子藏」編纂中心編

總編纂 方勇

副總編纂 吳平

國家圖書館出版社

第六冊目錄

文始真經三卷

宋·陳顯微注
清平湖樂樹坤刊本

.....

一

關尹子二卷附校勘記

宋·陳顯微注 劉采年校
民國六年(1917)鄭觀應刊本

.....

二四九

關尹子闡玄三卷

宋·杜道堅撰
清曹炎抄本

.....

四六九

文始真經注九卷(卷一——卷三)

元·牛道淳注
明正統《道藏》本

.....

五九一

文始真經三卷

清平湖樂樹坤刊本

文始真經

文獻真錄

夫道本無名。老子曰：有物混成，先天地生。吾不知其名，強名曰道。既曰無名，而不知其名矣，則不可以言言也。如是則聖人於道惟當不立言，不立文字。然聖人欲曉天下後世，苟不強立其名以述其實，則所謂道者將絕學而無傳矣。關令尹望雲氣以候老子出關，邀而畱之，師其道而請立言以惠天下後世，則聖人慈愍後學之心至矣。及乎得老子之道，傳五千言之後，乃述是書以曉天下後世，而露五千言之所未述之旨，然是道也不可名言之道也，而是書也。所述

無言之言也。則其言豈可以百家窺哉。宜乎莊子聞其風而悅之。自以其學出。觀是書首篇之言。似發明五千言之旨。而爲道德經作傳也。學者當與道德經參觀之。庶幾心釋神悟。於是書矣。若夫因是書感悟之後。而復隨世俗一曲之士。輕生誣謗。不生恭敬。侮聖人之言。則其人本以心之神靈者。悟是書之旨。必復爲心之不神。不靈者。昧其性天。而隨失其悟矣。是書之靈。必至如是。讀是書者。可不若葛稚川愛之誦之。藏之拜之哉。今欲於強名之下。強字表德。故述言

外經旨云大宋寶祐二年歲在甲寅重陽日抱一子
陳顯微宗道焚香再拜謹序

三教一道人實三之既已三矣孰能一之伏讀

文始真經三教於是乎可一矣何以言之經曰聞道
於朝可死於夕非朝聞道夕死可矣夫子之言乎我
之與物翦然蔚然在大化中性一而已非無人無我
無衆生壽者金剛之言乎以道運事者周之百爲非
同歸而殊途一致而百慮乎以事歸道者得之一息
非天下之動貞夫一者乎是皆大易之言也心蔽吉
凶男女盟詛藥餌者則有靈淫沉狂等鬼攝之是則
楞嚴二十五魔之說也籩豆瓦石問答之語是則庭

前翠柏拈花微笑之機也。得道之尊。可以輔世。得道之獨。可以立我。與夫捐忿窒慾。簡物恕人等語。質之孔典。語小異而義大同也。融三貫一。全經皆然。互會兼曉。不可徧舉。但後學顯於一門。獨此昧彼。非已所異。是已所同。安知聖道如天。無所不包。耶。坐井而闕。宜乎毀所不見矣。又是經秘於前代。出於近世。古無籌解。讀之愈艱。或欲解之病乎難悉。吾師抱一先生。通方大全之士也。幸聖經之出世。愍後學之不明。撒百氏之藩籬。明老關之宗旨。或因言而析理。或轉語

以明經。或設喻以彰立。或反辭而顯奧。或句下隱義。或言外漏機。或指意於言前。或抉事於意外。大率多文始經言外之旨。故總其多者。目之曰言外經旨。是經也。真所謂發造化之秘藏。增日月之光明。洩大易未露之機。述楞嚴秘密之蘊。卽伏羲之本心。盡姬文之神思。探仲尼之精微。究諸佛之命脉。窮諸祖之骨髓。顯黃帝之機緘。露老聃之肺腑也。學者得見此經。誠爲不世之遇。豈不知其幸耶。愚蒙師親授。恩大難酬。鋟梓廣傳。用報龐德。使天下後世。志道君子。得遇

是經達乎融三貫一之旨了悟道真皆吾師抱一先生無窮之德施也學者當歲拜莊誦如葛稚川可也敬爲之序有宋寶祐二禩長至日門弟子希微子王夷百拜謹序

漢劉向進關尹子書

右新書著定關尹子九篇護左都水使者光祿大夫

臣劉向言所校中秘書關尹子九篇臣向校讎太常

存七篇臣向本九篇臣向輒除錯不可考增闕斷續

者九篇成皆殺青可繕寫關尹子名喜號關尹子或

曰關令子隱德行人易之嘗請老子著道德經上下

篇列禦寇莊周皆稱道家書篇皆寓名有章章首皆

關尹子曰四字篇篇敘異章章義異其旨同辭與老

列莊異其歸同渾質崖戾汪洋大肆然有式則使人

泠泠輕輕不使人狂蓋公授曹相國參曹相國薨書
葬至孝武皇帝時有方士來以七篇上上以仙處之
淮南王安好道聚書有此不出臣向父德因治淮南
王事得之臣向幼好焉寂士清人能重愛黃老清靜
不可闕臣向昧死上永始二年八月庚子護左都水
使者光祿大夫臣向謹進上

文始真經篇目

卷上

一字

字者道也

二柱

柱者建天地也

三極

極者尊聖人也

卷中

四符

符者精神魂魄也

五鑑

鑑者心也

六七

七者食也食者形也

卷下

七釜

釜者化也

八籌

籌者物也

九藥

藥者雜治也

凡九篇一百七十章

抱一子曰：字者，盡四方向下之稱也。故以一字冠篇首，謂無是字，則無安身立命之地。道則遍四方向下，無不在焉。無是道，則天地造化或幾乎廢矣。故一字者，道也。字既立，不可無柱。故以二柱次之。柱者，建天